

玘仲彝者樂聞其勝事乃慕工于其州之萬壽禪院施財鏤板仰贊

國家之鴻休也傳法覺初守堅知一詳僧善慧宗遇較治平改元甲辰四月十一日題

廣右藤之釋契嵩字仲靈少習儒業遊方入

吳著書于錢塘之西湖嘉祐間以所業傳法

正宗記定祖圖輔教編詣

闕以文贊見韓魏王歐陽文忠公王莫公當時群臣公極可許之復表進仁宗皇帝御覽至爲道不爲名爲法不爲身之句嘉歎留禁中久之有

旨宣賜入大藏建炎間兵火散失逮紹興庚

辰秋福州太平寺正言長老因遊東山龍首澗得正宗記十二卷仍以輔教編三冊增之重新校勘謂開元解空明禪師曰吾家之嵩輔教定惠操修冬夏唯一衲常坐不卧日止一食夜頂戴觀音像行道誦菩薩號十萬聲以爲常宋之高僧北斗以南一人而已雖彈

竹帛不可紀其道行於是率諸禪同力刊板于福州開元寺大藏流傳利益無窮住壽山廣應禪寺嗣祖佛燈大師法珊瑚跋

教忠崇報禪寺住持嗣祖比丘道印校正

嵩明教之在釋氏扶持正宗排斥異說辭而

闢之咸有援据所謂障百川而東之廻狂瀾於既倒者也諸老出力共廣此書皆湜藉輩用心也隨喜之緣有大於此者乎隆興甲申十一月既望左奉議郎前提舉福建路市舶晉安林之音書

傳法正宗記卷第一

約 紫玉巻

藤州東山沙門釋迦如來表

契嵩 編修

天地更始而閻浮洲方有王者興曰大人大人者沒後王因之繼作而不已古今殆不可勝數然其聖神而有異德者謂之轉輪王德不至者謂之粟散王既德有大小而其所治亦從之降殺自四天下減之至于三二至于一天下至千列國其所謂王者雖更萬億之世而釋氏一姓相襲不絕益後世有王者曰大善生大善生出懿師摩懿師摩出憂羅陀憂羅陀出瞿羅瞿羅出尼浮羅尼浮羅出師子類師子類出淨飯浮飯亦曰然此七世皆王獨於人間者無限其始在孕則母體大寧自得懿摩師淨飯號爲聖王如來即出於淨飯聖王者也生於中天竺國釋迦其姓也牟尼尊稱也始如來以往世會然燈佛於蓮華大城因布髮席其所覆以至敬然燈遂受之記曰汝後成佛如我其號釋迦牟尼後之更劫無

數聖人皆積修勝德遠迦葉佛世迺以菩薩士說法天上以度天衆及其應運適至迺會天人議所下生衆未有所定大士乃自以迦毗羅國處閻浮提之中白淨飯王者其家世世帝王聖德之至真轉輪族宜因之以生於是示天哀相將欲下化然天衆皆泣願更留之大士乃爲說往生成佛之意以釋其攀緣大士即捐天壽示乘白象從目中降神于其母右脇淨飯之后摩耶氏是夕遽白王曰今我繫身請奉八關齋法王從之尋臺大士以所乘入其右脇而止諸天慕爲其屬同時生

禪樂及其將生摩耶乃意往園苑如宮監者即嚴寶輦王復廣詔侍衛以從之至園之無憂樹下其花方妍后欲取之舉手而聖子乃自此右脅而誕神龍即澍水以濕之地發金蓮以承之聖子乃四方各蹈七步以手上下

約

指之曰四維上下唯我最尊如內謁者以喜入奏王聞以其無數貴屬偕至視之乃不勝大慶是時也天神地祇皆見而祝之曰願大士速成正覺王尋持之興謁天廟天像起爲之致禮還宮大集賢者爲其名之衆乃上號曰薩婆悉達及募相者而仙人阿私陀應召方見聖子遠禮其足而泣曰此三界之至尊也年至十九當爲轉輪王不爾則出家成佛度人無量恨吾老矣不能見之王以仙人之言憂之益謹寶守稍長當命師傳教以世書聖子乃以其法問之而師皆不能對至於世所有藝天文地理射御百工之事皆不待教而能之未幾立爲太子而付之國寶然聖人已大潔清雖示同世娶而非有凡意以夙業緣乃指其妃之腹云却後六年汝當生男一旦命駕欲遊雖更出四門而皆有所遇終以其老病死與沙門者感之而出家之意愈篤既還乃以其志達白父王王以國無聖嗣乃

執太子手泣之欲阻其心會淨居天人自天而至禮太子足曰大士夙務勝德出家今其時矣請宜往之太子曰如汝之言然宿衛甚嚴欲何以往天人乃以神道厭其守者皆昏睡不能覺太子遂密命御者車匿車匿控神驥捷陟來前然而馬悲御泣太子慰之明相遽發光燭大千太子曰過去諸佛出家亦然於是諸天爲捧馬之足并接車匿自其城之北門超然陵虛而去太子復曰不斷八苦不轉法輪不成無上菩提終不還也天之衆稱善爲其誌之及至其山號旃特者初小息林間遂釋衣冠自以所佩寶劍絕其鬚髮誓曰願共一切斷此煩惱即以髮授之天帝當是淨居天化人以麤布別本或云鹿布僧伽黎請易太子寶衣因得法服服之益進其山之嘉處曰彌樓寶山居其阿藍伽藍其舊隱仙人見太子皆致敬讓坐與其論法及遣還車匿父生思甚必欲歸之雖諫者不聽卒詔迎之其臣

屬來請者萬計雖諭勸懇至而確然益不迴其意乃留憍陳如等五人以充侍衛於此聖人乃習不用處定三年既而以其法非至捨之復進鬱頭藍處習非非想定三年即阿羅邏伏迦人也復以其法不至進象頭山雜外道輩爲之苦行日食麻麥居六載而外道亦化

聖人乃自思之曰今此苦行非正解脫吾當受食而後成佛即沐浴於尼連河天爲之偃樹聖人援之而出受牧牛氏女所獻乳糜尋諸畢鉢樹下天帝化人擷瑞草以席其坐景雲祥風雜然交至天魔駭之帥其衆乃來作難聖人以指按地而地大震魔皆顛仆於是降之尋以二月七日之夕入正三昧八日明星出時示廓然大悟乃成等正覺是時大地震搖天地瑞事畢出而應之天者魔者人者神者交集以致敬及昇金剛座天帝師之請轉法輪先是憍陳如五人侍從於山中至此首與度之故入鹿野苑談四諦法然因是而

得道果者亦億計既而語諸比丘曰汝等皆可爲世福田宜其各往化物如來遂獨之摩竭提國其國先有奇人號優樓迦葉弟兄三人皆得仙術頗以其道自高有徒數千及如來至乃靡然從化與其徒皆得證道初瓶沙王有竹林園號爲羨景王嘗心自計曰如來若先詣我我則捨此如來即知其意遂往止其園王喜聞遷大列導從不啻千萬來趨如來既見而衆或疑之如來即命迦葉爲之說法以解其惑王衆與無量天人遂得法眼乃施其園爲之精舍請如來館之居未幾會有比丘分衛於王舍城而舍利弗目犍連聞法於

其人因得開悟遂與之返如來曰彼二來者當爲我上足弟子於是度之初大迦葉自去鬚髮入山習禪一旦空中有神告曰今佛出世汝盍師之以是亦趣竹林精舍既至如來起迎額謂衆曰吾滅後而法被來世六萬歲者此人之力也是時如來成道已六載矣而

興其父王未始相見王甚懷之侍臣優陀夷請往道王久別之意因請歸國陀夷既來如來慰之尋亦得道成第四果即遣還國告父王曰佛後七日乃來歸也至期王出其國四十里大羅儀仗以迎如來慶動天地王相見大喜因詔其族五百貴子從之出家及其還宮也羅睺羅禮之持聖人之衣而告之曰此正如來也用是爲母釋其群疑然而福被無極生靈賴之家國遂大嚮其教化自是應機說法天上也人間也龍宮也他方也所至皆作大鏡蓋然其聖神之所爲不可得而備紀其後以化期將近乃命摩訶迦葉曰吾以清淨法眼涅槃妙心實相無相微妙正法今付於汝汝當護持并勑阿難副貳傳化無令斷絕而說偈曰

法本法無法 無法法亦法 今付無法時法法何曾法

偈已復謂大迦葉曰吾將金縷僧伽黎衣亦

付於汝汝其轉授補處慈氏佛亦云彌俟其出世宜謹守之大迦葉聞命禮足稱善敬奉佛勒一旦果往拘尸那城娑羅雙樹之間告其大眾欲般涅槃會長者純陀懇獻供養如來因之復大說法而後度須跋陀羅已而歷諸三昧起其座褰僧伽黎示紫金光體燭累

大衆遂右脅而卧泊然大寂其時四部弟子億萬人天哀號追慕動大千界天花大雨而其地皆震及內之金棺待大迦葉而世火不能燃迦葉適至其足自棺雙出慰其哀慕既而金棺自舉周尸那城却下以三昧火燔然自焚燼已而舍利光燭天地其會天者人者

神者龍者皆分去塔之稽夫如來之生也當此周昭王之九年甲寅之四月八日其出家也當昭王之二十七年壬申之二月八日其成道也當昭王三十三年之戊寅其滅度也當穆王三十六年壬申之二月十五日化已

凡一千一十七年以漢孝明之永平十年丁

卯之歲而教被華夏嗚呼如來示同世壽凡  
七十九歲以正法持世方四十九年舊譜云  
出家六年雪山修行三十成道住世說去  
四年脩行其成道則二十五歲若云三十數十  
紙須井六年在二仙頤學法方可合其元數

化度有情其不可勝數所說之法經者律者  
論者浩若百千大海探者隨力而淺深皆得

然其推於悠遠則極乎天地之終始指其昵  
近則盡乎髮膚之成壞幽則窮乎鬼神妙則  
通乎變化大必周於天人小不遺於昆蟲其  
天下禍福之端性命之本盡於是矣其爲道  
大至也其爲教廣被也自視鄙凡不足知之  
不敢讚之念有生人已來未有尊於聖人者

十一也有聖人已來未有至於如來者也昔列禦  
寇謂孔子嘗語商太宰曰西方之人有聖者  
焉不治而不亂不言而自信不化而自行蕩  
蕩乎民無能名焉丘疑其爲聖弗知真爲聖  
歟真不聖歟太宰嘿然心計曰孔丘欺我哉  
以是驗之而列氏之言不爲誕也若如來之  
五德之傳古文咸不同畢異夫子之弗論次  
其年月豈虛哉以此驗三代已前非實無年  
數蓋太史公用孔子爲尚書之志故不言其  
年乃作世表疑則傳疑及後世學者之賢若  
皇甫謐輩復推而正之故爲釋氏之舊譜者  
因之以書此可詳也孰謂不然

評曰付法於大迦葉者其於何時必何以而  
明之耶曰昔涅槃會之初如來告諸比丘曰  
汝等不應作如是語我今所有無上正法悉  
已付囑摩訶迦葉是迦葉者當爲汝等作大  
師此其明矣觀涅槃第二卷然正宗者蓋聖人之  
密相傳受不可得必知其處與其時也以經

生與滅及其出家成道或當周昭王穆王之  
年然周自武王至厲王皆無年數及宣王方  
有之舊譜乃曰昭王九年二十七年三十三  
年穆王之三十六年或者頗不以爲然吾嘗  
辨之故考太史公三代世表視其敘曰余讀  
諺記黃帝以來皆有年數稽其曆譜諺終始

傳法正宗記卷第二

約二

酌之則法華先而涅槃後也方說法華而大迦葉預焉及涅槃而不在其會吾謂付法之時其在二經之間耳或謂如來於靈山會中

捻花示之而迦葉微笑即是而付法又曰如

來以法付大迦葉於多子塔前而世皆以是爲傳受之實然此未始見其所出吾雖稍取

亦不敢果以爲審也曰他書之端必列七佛

而此無之豈七佛之偈非其舊譯乎曰不然

夫正宗者必以親相師承爲其効也故此斷

自釋迦如來已降吾所以不復列之耳吾考

其寶林傳燈諸家之傳記皆祖述乎前魏支

彊梁樓與東魏之那連耶舍此二梵僧之所

譯也或其首列乎七佛之偈者蓋亦出於支彊耶舍之二譯耳豈謂非其舊本耶然寶林

傳其端不列七佛猶吾書之意也

傳法正宗記卷第一

約一

藤州東山沙門釋

契嵩

編修

天竺第一祖摩訶迦葉尊者傳

天竺第二祖阿難尊者傳

天竺第三祖商那和修尊者傳

天竺第四祖優波毘多尊者傳

天竺第五祖提多迦尊者傳

天竺第六祖彌遮迦尊者傳

天竺第七祖婆須蜜尊者傳

天竺第八祖佛陀難提尊者傳

天竺第九祖伏馱密多尊者傳

天竺第十祖脣尊者傳

天竺第十一祖富那夜奢尊者傳

天竺第一祖摩訶迦葉尊者傳

摩訶迦葉尊者摩竭陀國人也姓婆羅門其父號飲澤母號香志始生姿質美茂其體金色而照曜甚遠相者曰是子夙德清勝法當出家父母憂之乃相與謀曰必美婦可糜其